


B. N. C.
FIRENZE

1148

36







DI
XIX.

ORATIO HABITA FIRMI.

In Aula Perillust. DD. Priorum die
vndecima mensis Decembris,
Anno M. DCIII.

*A Camillo Gypso Bononien. I.V. Doct. Col-
legiato in auspicijs suarum praelectionum,
Cum ibi lura Ciuilia in prima Ordinaria sede pomeri-
dianis horis profiteri inciperet.*



FIRMI.

*Apud Haeredes Sertory de Montibus, & Io: Bonibellum 1603.
Habita DD. Superiorum Facultate.*



*Legato L. Equit. Ordini Francisco Illam
GYP*
1448.36

ОРАТІО

H A B T A

1. 11. 1. 1. 1.

10. Aufstellung d. 10. Phosphor die

Yndecima mensis decembris


Amos W. D. C. III.

Academy of Music, 11. Dec. 1861.

... in ...

Cum ibi lura Civitas in prima Ordinis sedebat-

Indianis havis profecti in...




И М Н Т Е

[Faint handwritten text at the bottom of the page]



ILLVSTRISS. AC REVERENDISS. D.
D. PETRO ALDOBRANDINO
S. R. E. CARDINALI AMPLISSIMO
PATRONO COLENDISSIMO.



CAMILLVS GYPSIVS I.V.D. S. & F. P.



*Ffero amplitudini tuae habitam
Firmi orationem, veluti floscu-
los quosdam, si minus odoris
suauitate fragrantés, at certe
gratum olitoris animum referentes, post-
quam enim hac, quasi nitentia Academia
Firmanæ viridaria auspicio tuo, in parte
mihi commissæ colenda suscepî, suscepti etiã
muneris esse duxi, hoc quasi primum, &
cultura mea initio, eos in manus tuas angu-
stissimas emittere, ea quidem spe fretus, ut
A 2 matura*

*matura astate, seu potius autumnu felici
benignitatis tua, qua me tam leni, ac secun-
do huc prouexit spiritu, aura fauente, ex
floribus, tempestiui fructus efflorescant.
Interim Deus te diu incolumem seruet, ac
tueatur. Vale. Firmi, die xi. Mensis
Decemb. anni M. DCIII.*

CAMILLVS GYRIUS I V D 2 & F. P.

ORATIO HABITA FIRMI

in Aula Perillust. D D. Priorum

die xj. mensis Decemb. 1603.

*A CAMILLO GYPSIO Bonon. l. V. Doct. Collegiato**in auspicijs suarum prælectionum, cum ibi lura**Civilia in prima Ordinaria sede pomeridia-**nis horis profiteri inciperet.*

Ogitanti mihi diu, multumq. animo ver-
santi, Illustrissime Præsul, Reuerendis
Proarchiepiscopo, Magistratus Peril-
lustris, Prior insignis, Patres celeberrimi,
Proceres, & Viri nobilissimi, Adoles-
centes studiosissimi, Cæteri quotquot adestis hu-
manissimi auditores, vnde maxime vobiscum hodie
verba facturus orationem auspicarer, plura in men-
tem veniebant; me deterrebat amplitudo in me col-
lati muneris, agnoscebam enim Gymnasia celebra-
rima, auditorium virorum Illustrium, & Excellentis-
simorum, iuvenes acutissimos instruendos, quæ pro-
uincia, licet præbeat occasionem comparandæ existi-
mationis apud eos, quibus placere gloriosum est, eam
tamen humeris meis fortasse imparem fore dubita-
bam; Inclytæ etiam huius vestræ, & antiquissimæ Ci-
uitatis laudes sese mihi offerebant, Iurisprudentiam
meritis encomijs ad cælum extollere, & adolescen-
tes istos ad studia illius capescenda cohortari animus

suadebat ; adeo , vt cum paucis plura complecti non
possem, multa rerum copia inops effectus, decreuerim
prudentem illum pictorem imitari, qui cum breui ta-
bella immensi gigantis altitudinē emeriri se non pos-
se intelligeret, satis esse putauit, si illius digitū appin-
geret, ita enim fieri posse, prout ab vngue leo, vt ex
minima parte totius corporis magnitudo appareret :
Agam igitur de probi, & sapientis hominis cognitio-
ne, vt inde Iurisprudencia ipsa per sese ingenia ad stu-
dia incitatissima etiam, atque etiam incitet, ac inflam-
met , & quæ decent de vobis, de me ipso , & meis stu-
dijs nostra complectatur nec proluxa, neque ingenijs
vestris, vt spero , indigna oratio ; fauete quæso ani-
mis, & auribus pro vestra in me singulari humanitate.
Cynicorum Princeps Diogenes , dum hominem sa-
pientissimum, & rursus mutato consilio eundem om-
nium animantium insipientissimū appellauit, non pe-
nitus desipuisse mihi videtur, dum enim hominis con-
ditionem mecum ipse reputo , videor videre animal
propidum, sagax, acutum, memor, plenum rationis, &
consilij, præclara quadam conditione præ cæteris à
Deo generatum, est enim ex tot animantium generi-
bus, & naturis solus particeps rationis , cum cætera
sint omnia expertia, & ex eo, vel maxime constat, eum
à Deo esse, cum ipse Deus intelligentia sit, sensus, ac
ratio; vnus homo sagacissimus, & prudentissimus, mul-
ta simul agit, causas rerum, & consecutiones videt,
similitudines transfert, & disiuncta coniungit, cū præ-
sentibus futura copulat , omnemq. contempletur vi-
tæ consequentis statum ; vnus altorum ortus, obitus
intelli-

intelligit, delectiones Solis, & Lunæ cognoscit, prædi-
citq. in futurum, quæ, quantum, & quando futurae
sint. Hunc cum statuisset summus rerum opifex effi-
cere coelestem, reliqua vniuersa ad terram inclinauit,
ipsum ad cœli contemplationem erexit, vt eo specta-
ret, vnde illi origo esset, & in terris degeret, non vt in-
cola, & ciuis, sed vt spectator superarum rerum, atque
coelestium, quarum spectaculum ad nullum aliud ge-
nus animantium pertinere dignoscitur; reliqua enim
ad terram depressa ideo sunt, quia nulla illis immor-
talitatis est expectatio, sed toto corpore in humum
projecto, ventris pabuloq. seruiunt, vt non immeri-
to de homine, cecinerint poetæ. Sanctius his animal-
mentisq. capacius aetæ; Deerat adhuc, & quod domi-
nari in cœtera posset; Natus homo. Quod si homi-
nes, non esse, nedum specie corporis, sed etiam ratio-
nis intelligimus potestate, non ne satis perspicuum
est, hominem vnū tanquàm numen, tanquàm Deum
aliquem, vt ita dicam, inter cœteros animantes de-
gere? Sed mutato cōsilio Diogenes hunc ipsum ho-
minem insipientissimum omnium animantium appel-
lauit, ridiculas hominum, etiam Philosophorum in-
eptias forsā animaduertit Cynicus, quorū alij sunt
conati per omnem ætatem à risu abstinere, perpetuo
se fletui dedentes, alij quidem in effusiores cachinnos
ita procliuēs extirere, vt insani haberentur, ridiculi
quidem ambo, nisi ille risum, & hilaritatem hominū
in rebus fluxis, & instabilibus, deplorasset; hic au-
tem eorundem eiulatum in leuissimis etiam rebus cot-
lachrimantium derisisset; considerauit. Cynicus ho-
minem

minem esse animal iracundum, superbum, auarum, rapax, crudele, hostile, inconstans, varium, multiplex, nunquam in eadē permanens sententia, de quo iure illud canitur. Quod cupijt Ipernit; repetit, quod nuper omisit, Diruit, ædificat, mutat quadrata rotundis; vidit hominem in naturalibus ipsis longē ineptiorem ceteris animantibus, & infeliciorem; pluma volucem tegit, piscem operit squama, villus iumenta, & feras vestit, concha testudinem excipit, ebur elephantem tuetur, solus ipse inermis nascitur, & nudus. Quid potius habuit brutis in conjunctione maris, & foeminae ipse homo? Mos fuit Garamantibus passim cum foeminis degere, Scythæ præter enses, & cyathum omnibus etiam vxoribus, & liberis vsi fuere cōmuni-bus; Apud Massagetas singuli singulas ducebant, sed tamen alienis vxoribus, volentibus maritis quandoque abutebantur. Quid memorem, Arabes omnibus fratribus vnā constituentes cū qua natu maior pernoctaret, ceteri interdictū ad eam accederent? Adeo vt incertam venerem brutorum more prorsus sequerentur homines, & in hanc sententiam Poeta. Et Venus in syluis iungebat corpora amantum. Quid magis inauditum, & nouum de homine, quam vt Derbicibus, & Massagetis fas esset consanguineos, & parentes senio confectos enecare, immaniter, & prodigiosè deuorare existimantibus rectius à se quam à vermibus absumi? Quid magis naturæ, & gentium rationi repugnans, quàm vt Romani sexagenarios senes de ponte deijcerent, vnde & senes depontani? Quid plura? In legibus ipsis condendis asperos, crudeles,

deles, & immanes præse tulerunt homines. Quæ maior immanitas potuit excogitari, aut inclementia, quam ut ex duodecim tabulis æs alienum confessi debitores, qui in ære non essent soluendo, capitis poenas luerent, vel creditoribus traderentur dilacerandi? Quid aliud emergebat ex iisdem tabulis patri indulgentibus venundare filium, forsitan necessitate famis, quam ut natus apponeretur patri Thiestæis dapibus abluendus? Quæ res in maximum coniecit lapsum apud Platonem Trásimachum, ut nihil aliud esse ius volueris, quam quod potentiori placuit, & proinde quodcumque is, qui plus posset lege sua iuberet, aut vetaret ius esse, repugnante etiam plerunque natura, Quod enim ab ipsa natura proficiscitur constans, & perpetuum est, semper idem, & ubique idem; Ignis urit apud Firmanos, & omnes alios Nix omnibus alba, bene olentium odor omnibus suavis; At iura quam varia apud varios? Romani condignis poenis afficiunt fures, Lacedemonijs vero furta fuerunt impunita, & acriter eos tantum coercebant, qui in furto deprehensi, essent negligentius furati. Quæ omnia si recte perpendantur, an ex omnibus animalibus vllum est homine atrocius, vllum stolidius vllum magis expers rationis? Recte igitur Diogenes homo est animal sapientissimum, & insipientissimum. Sed quo spectat hæc tua doctrina Diogenes dū prædicas hominem sapientissimum, & rursus eundem hominem insipientissimum? oportuisset ostendere quæ ratione sapientes, & veri homines evadamus; quid vitare, quid sequi deceat, quid utile, quid inutile, quid honestum, quid turpe foret. Ille lucernam in

quæ omnis est sapientiæ fons, & origo; Non enim
sumus sufficientes excogitare aliquid ex nobis, quasi
ex nobis, sed sufficientia nostra à Deo est: Ab hu-
ius inexhausta bonitate, cuncta bonitatem partici-
pant, nosq; bonitatem humanam ad summam illam
bonitatem referentes ad ipsum vere bonum attoli-
mur; qui Deus est. Quid obsecro, (Auditores)
aliud sapere humanitus, quam philosophari, id est
sapientiam appetere, & quid aliud est philosophari,
quam Deo simillimi euadere? Deus intelligit & agit,
vt intelligit omnium causas, apud se habet, qui re-
rum causas inquirat, Deum ipsum inquirat, vt agit
omnia constituit quibusdam legibus coercet, ac mo-
deratur, qui leges, qui sapientum decreta perquirat,
is ad Deum accedit? Sapienter Aristoteles proble-
ma Diogenis exposuit, dum ait, sicut optimum est
animalium homo lege fruens sic pessimum animalium
est homo à lege, & iustitia separatus. Iurisprudentia
enim recte viuendi, honestatisq; formam exquisite
prescribit, hominem pace, vnitatem, concordia fide-
liter adiuuat, animaduersione irrevocabili, & in-
cussa pellit vicia, crimina punit, turpitudines fugat,
infortiam propulsat, efferatos animorum motus cohi-
bet; Initia Iurisprudentiæ si spectemus coeterna sunt
Deo, etiam ante mundum ab eodem conditum, in-
trinsecus quidem in essentia Dei quatenus ab initio
factura scilicet, iussit, predestinauit, extra Deum in ip-
sa mundi, & rerum creatione; Nondum enim cæli,
& terra constiterant, quando certa lege, & gyro val-
labat abyssos, legem ponebat aquis ne transirent fi-
nes suos, appendebat fundamenta terræ, Finem illius

sup

si inue-

si inuestigemus nobilissimum inueniemus, est enim
 veri I. C. finis ad quem tendunt eius responsa adep-
 tio iustitiæ, quæ omnium rerum æquilibrium esse vi-
 detur, quandoquidem virtutes inter extrema consti-
 tuit, Hanc Philo allegoricè Paradisum deliciarum
 appellauit, Fluvius enim emanat, vt irriget Para-
 disum, & in quatuor diffunditur capita Phison ap-
 pellatur primum circuit terram Heuila, secundum
 ambit Echiopiam, & appellatur Geon, Tigris tertiū
 labitur in Aegyptios, Euphrates quartum, Maximus
 ille fluuius vnde quatuor profluunt, virtus est vniver-
 salis iustitiæ, à quā quatuor emergunt regie virtu-
 tes, prudentia, quid agendum, fortitudo quid susti-
 nendum, temperantia quid eligendum, Iustitia quid
 cuique tribuendum significans, In hac eadem iuris-
 prudentia Encyclopediam, seu aureum scientiarum
 ductum haberi facile est intelligere, nam si de anti-
 quitate rerum est quæstio, nobis profecto cum histo-
 ricis, aut Romanis, aut Grecis agendum erit, si de ar-
 gumentationibus cum Dialecticis, si de quantitate, ac
 proportionibus cum Mathematicis, si de motu, ac na-
 tura cum naturali, si de valetudine, morbis, ortu, ac
 interitu cum Hippocrate, vel Galeno, Medicorum
 enim placita ad iuris quæstiones referuntur, & I. C.
 ex mente Hippocratis septimi mensis partum legiti-
 mum ostendit, Astrologiam in iudicijs maxime sibi
 necessariam intelligunt peritissimi quique iudices,
 vt vera à falsis testimonia, cum de nocturnis agitur
 delictis decernere possint, sic Alcibiades Athenis hæ-
 roseos postulat, quod statuta Mercurij certa no-

Atis hora confregisset, iudicium sententia tunc fuit ab-
solutus, quod ipsa hora nox esset illunis; Morum vir-
tutes quanti sint æstimandæ vidit Socrates. ea ratio-
ne vir bonus, & sapiens ab Apolline nuncupatus,
qui animaduertens naturalis Philosphiæ modicum
esse fructum, eamq; ad officia vitæ parum esse neces-
sariam, inuexit primus Ethica Athenas, deq; illis
in officinis, & in publico quotidie philosophans, ea
potius inquirenda hortabatur, quæ mores instrue-
rent, & quorum vsus domi esset necessarius eas in
hac eadem Iurisprudentiâ haberi quis non cogno-
scit? Fortitudinem, ipsosq; viros fortes adeo faciunt
leges, vt decernant. Quicumque pro patria pro repu-
blica strenue pugnantes ceciderint in bello, per glo-
riam viuere intelligantur; & alibi. Si miles in prælio
cadens in vagina, aut clypeo literis suo sanguine ru-
tilantibus scripserit hæredem, testamentum, haud ir-
ritum, sed firmissimum habeatur. Ignauiam damnâ-
ntes, dum præcipiunt, ne locus in acie deferatur, ter-
ga verrantur hostibus, clypeus, alia ve arma abijciân-
tur. Audaces insequuntur, iubentes, eos, qui in bel-
lo rem à Duce prohibitam fecerint, aut mandata nō
seruauerint capite plecti, etiam si res bene cesserit;
probant ea quæ sunt temperantis hinc legitima ma-
trimonia, hinc dotes privilegijs augentur; desidera-
tur procreatio, & educatio liberorum; ea verò quæ
sunt intemperantis, abhorrent. Sic lex Iulia de adul-
terijs eos grauitè punit, qui adulterium, stuprum;
incestum, aliaue libidinis scelera commiserit, libe-
ralitatem etiam laudant, dum permittunt donatio-
nes

nes, prodigalitatem detestantur administrationem
interdicentes. Honoris studium, & magnanimita-
tem fouent, dum iubent dignitatum ordinem serua-
ri, Mansuetudinem, vel clementiam prohibentes,
ne conuicia congerantur in aliquem. Amicitiam san-
guini comparant, veritatem adeo amant, vt duode-
cim tabulæ falsos testes e saxo Tarpeio deicij iu-
beant, scurrilitatem oderunt mimis, & hystrioni-
bus infamiam irrogantes: Iustitiam denique, & pru-
dentiam posthabeam, cum nemo sit, qui non facile
perspiciat Iurisprudentiã in his potissimum versari,
& illis opposita non ignoret homicidia, iniurias,
furta, rapinas. Verum enimvero. N. quemadmodum
Sol ipse si aëre trassiori, & nubibus inuoluatur radijs,
palescentibus, & obscuris cuncta hebetat potius,
quàm illuminat. Si vero pura luce clarus, & ex-
pers caliginis, & nubium oriatur omnia radijs, &
fulgore suo illustrat, ita summum ius, summaq; ra-
tio Dei, & naturæ cum primum à Cœlo descendit in
nubes, & in caliginem gentium tenuem quandam,
& obscuram iuris imaginem hominibus impri-
mit, at caligine, & nube iuris radijs purgata, quod
emendatione fieri dicimus, & benigna interpretatio-
ne iura tandem pia, sancta, & æquissima gentibus
à Cœlo delata maximo splendore elucescunt; Va-
riantur enim leges pro locorum rerum euentuum oc-
casione, & licet variæ sint apud varios, omnes tamen
nituntur ratione, quæ à prima dependet, quinimo
quanto magis res fluxæ mutantur, tanto magis resur-
gunt leges in rebus variatis, & multiplex mutatio

est rerum quidē mutatio, sed legū conseruatio, quā
sane mutationem Atheniensis hospes contemplatus
aiebat leges nō ferri, neque abrogari ab hominibus;
sed Deū quidē omnia, opportunitatēq; simul cū
Deo cuncta gubernare. Interpretatio, & ipsa est ma-
xime necessaria, tum ad eruendos veros legum sen-
sus, tum ad æquitatē constituendam, quæ legis est a-
nima, & mens, siue clementiæ, siue seueritatis habenda
sit ratio. Fastu enim tuent, & arrogantia, vitio
carere minime possint, qui se omnia perfecte etiam
sine præceptore discere, ac tenere gloriantur; Nam
apud Platonem Socrates in Phedro disciplinas ex
sermone potius, & vna voce quā ex lectione hau-
riendas existimauit: & si satis esset ex solis scriptis so-
loue commentario sapere, haud quāquam operæ pre-
tium fuisset tot philosophos per externas nationes
peregrinari, vt eos audirent quorum commentaria
priuatim legissent; Cui non sunt Euclidis audita sum-
mis laudibus celebranda pericula, qui muliebri sto-
la indutus noctu Athenas cum id Megarensibus capi-
tale foret, vt Socratem Philosophantem audiret ac-
cedebat? cui non sunt exploratæ Demostenis vigi-
liæ? cui non nota à perorante Calistrato parta elo-
quentiæ fama? Sunt igitur A. duo præceteris, qui-
bus iura ne dum honesta, & laudabilia, sed pia, &
sancta omni ætate conseruantur iusta legum emen-
datio, & benigna earū interpretatio, quorum vtrun-
que iampridem prisca ætas est consecuta tum Impe-
ratorum, & precipue Iustiniani ope tum, etiam I. con-
sultorum: habuit enim illa ætas splendidissima illa
iurispru-

iurisprudentiæ lumina Iurifconsultos veteres, qui tā-
 ta probitatis, tantæq; scientiæ fuisse feruntur, vt illis
 inconsultis Imperatores nihil determinare sint ausi,
 ex eorum prudentia digestorum opus compositum,
 nullus ignorat. Sed prisca patrum inuidet nostra, &
 patrum nostrorum ætas, qua quamplurimi alij, licet
 minoris auctoritatis, tamen insignes, etiā interpretes
 sunt excitati, quorum alij solida doctrina, celebres,
 alij subtilitate conspicui, alij fertilitate, & summa re-
 rum copia vberissimi extiterunt, quibus cum Scenola,
 Paulus, Ulpianus, & tota vetus iurisprudentum co-
 hors reuixisse videtur. Præ ceteris clarissimi nominis,
 apud vos floruit insignis ille, Ioannes Bertachinus
 de legali disciplina optime meritus, apud nostrates
 vero primus ~~notus~~ l. Consultus, Annibal Marescot-
 tus, Paulus Tuffignanus, Ioannes Baptista Palmerius,
 Antecessores celeberrimi, qui iura ciuilia in hoc am-
 plissimo vestro Gymnasio summam laudem, & om-
 nium admiratione ante me sunt professi. Tempe-
 stiuius iam locus est, vt ad vos procures, & viri Firma-
 ni nostra deflectat oratio, superuacaneum esse vide-
 tur inquirere probi, & sapientis hominis normam,
 quando ego vos viros probos sapientes, & omnium
 virtutum genere cumulatissimos inuenio, agnosco,
 & circumpiciens vndique coronam istam, vbique
 cerno toridem, non dicam probos viros, sed heroes,
 talis vestra est qui rempublicam administratis, non
 morali solum illa prudentia, sed heroica, qui ius di-
 citis non mortali solum illa iustitia, sed heroica, qui
 arma tractatis non morali tantum fortitudine, sed he-
 roica, qui leges, qui sacrosancta Patrum decreta eno-
 datis,

dātis, non sapientia quadam humana, sed heroica;
Vos ego mei amantiſ. agnoſco, qui mihi hanc pro-
uinciam nimis honorifice ſentientes demandatiſ;
cuius exiguæ vires optatiſ, ſi minus reſponderint,
enitar, ſi non doctrina, & eloquentia, omni certe
vigilantia, & ſtudia, id omnes, vt intelligant, me ni-
hil impenſius cupere, quam vobis parere, & quo-
nam mei non eſt, aut pudoris, aut inſtituti de me
plura loqui, id vnum dicam, agnoſcere me in memet
ipſo propenſionem quandam in ſtudia iuriſpruden-
tiæ, quæ non ſolum me perpetuo comitata eſt, ex
quo dignoſcere aliquid, & deliberare cœpi, verum e-
tiam à maioribus noſtris in multos noſtræ agnatio-
nis deriuat, adeo vix aliqua temporis intercapedo in-
terceſſerit, qua ex familia noſtra vñum, aut alterum
I. Conſultum non enumeremus: Vos vero optimæ
ſpei adoleſcentes Lycurgi, & Solonis generoſa pro-
genies, quibus integer aui eſt ſanguis ingenium vi-
uax, occaſio rerum bene agendarum, quibus Dei mu-
nere ſœlicia hæc tempora procedunt. Ponite vobis
ob oculos ſummæ probitatis, & ſapientiæ exemplar
Clementem Octauum P. Opt. Max. Si enim teſte
Plutarcho eſt legis effectus iuſtitia, & Principis opus
lex, eſt vero Dei imago Princeps, Deo autem ma-
xime conueniunt liberalitas, & clementia Sanctiſſi-
mus hic noſter Clemens Chriſti in terris Vicarius
præſeferens eodem tempore clementiam, & improbi-
tatis odium præbet ſe ſimul clementem, & malis in-
ſenſum, aureamq; pacem omnibus ſtatuit, quis non
intelliget eum quam maxime omnium, qui in terris
dominatur Deo ſimillimum fieri? Ponite vobis ob
oculos

oculos Illustrissimum, & Reuerendissimum S. Rom. E. Cardinalem Petrum Aldobrandinum omnium vir tutum, & scientiarum viuam Palladem Scholarum vestrarum decus, & ornamentum affulgens, qui facit nobis hæc studiorum otia, honestissima certe otia, in quibus quisquis max. negotiatur maxime otia- tur, sub cuius foeliciſſimis auspicijs licet mihi in hoc Gymnasio otari cum commilitonibus præſertim tan to ingenio præditis tanta eruditione excultis, vt in eorum ordinem adſcribi ſumma ſemper cuiq; bono, & erudito futura ſit nō iucunditas modo, ſed gloria.

Agite ergo ſtudioſiſſimi adoleſcentes excolite ve- ſtrum bonis artibus animum, vrgete ſtudia veſtra al- ter alterius ſtimulo incitari vires animis ſpem viribus adijcite, ſummo ſtudio, & alacri ope vobis eſt incum- bendū, ne obicijat Menædemus Eratrienſis, quæ ſtu- diorū cauſa Athenas petētibz obijcere ſolebat, eos primo anno fieri Sapiētes, ſecundo Philoſophos id eſt amatores ſapientię, tertio Rethores, quarto Grāma- ticos, quinto in alpheticos, per legitimos tramites ad ſumma vſque iuriſprudentię ſaſtigia vobis eſt con- tēdendū. Ego quidē operā meā deſiderari nō patiar, ſed interpretabor N. & ita interpretabor, vt pollicear quantum in me erit omnē operā, diligentiam, ſtudiū.

En vobis geminos Diogenis homines effinximus ſapientis. & inſipientis. nunc oportet addamus duos quos tantum Democritus conſtituebāt Deos Poenam, & Præmium, primus tribuit homini inſipienti dolorem, exilia, quæſtiones, tormenta, vul- nera mortem; Secundus vero ſapienti concedit otium, tranquillitatem, quietem in ciuitate beneuolentiam
in ani-

